



**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

V. De cambijs, eorumque iustitia & iniustitia.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

rus commentario de usurâ n. 78. Binsfeldius loco cit. Sa V. Censu, Rebellus lib. 10. de Iustitia, q. 7. n. 1. & alij; existimantes, tale pactum tollere natu- ram census, atque adeo esse contra ius naturæ.

Rationem adducunt. Talis enim censualista, aut voluit emere censem perpetuum, aut solum temporalem, ad aliquot scilicet annos, aut quamdiu ipsi placuerit. Si primum; cur ergo obligauit Censuarium ad redimendum? Si secundum; cur ergo dedit centum pro viginti quinque, vel quinquaginta: & quod plus est, quo iure post elapsos illos annos reuendit, in quod nullum amplius ius habet? Solum enim emit ad tres annos, nec post tres annos amplius ius habet; cur ergo reuendit, quod suum non est?

Sed facile respondeatur, emisse censem perpetuum; ita scilicet ut eo perpetuo frui possit, nisi à censuario redimatur; quemadmodum etiâ accidit in emptione domus, seu alterius rei. Emitur enim dominus, sive ius in dominum, perpetuum; & tamen nihilominus redimi potest.

Molina vero disp. 377. tametsi hunc contractum ex rei natura licitum esse afferat, putat tamen communiter esse iniustum, eo quod debitum pretium in redemptione non exigatur, sed iusto maius; putat enim iuste non posse tantum pretium accipi in redemptione, quantum fuerat datū in prima emptione; eo quod in hac duplice onere (tum assicurandi scilicet pensionē; tum redimēti censem) fuerit grauatus primus vendor, quo caret secundus vendor. Verum Valentia q. 22. pun. 2. ex consultatione prædictorū Theologorū Romanorū rectius sentit, id quātū est ex iure naturæ, nō esse illicitū; eo quod tametsi vendor in secunda emptione non ita grauetur, liberatur tamen eodē duplice onere venditori vtili, emptori; quod tantundem est.

Secundo dubiū est, an Bullâ Pij V. quoad prædictas conditiones, iure naturali non necessarias, in conscientia obliget. Respondeo sequentibus pronuntiatis. I. Non obligare vbi recepta nō est; quia leges humanæ communiter pendent ab acceptatione, vt suo loco de legibus dictum tom. 2. disp. 5. q. 5. du. 3. Neq; vero voluit Sapientissimus Pontifex, alios Principes alium contrahendi modum, naturali iuri alioquin non repugnante, securos, in sua temporali iurisdictione perturbare; quando re ipsa Gregorius XIII. in Sicilia regno alium contrahendi modū approbavit, vt dictum.

Respondetur II. Probabilissimum videri, eam constitutionē fundari in præsumptione fraudis & intentionis usurariae; ac proinde si veritas sit contra præsumptionem, frausq; & mala intentio absint, adsintq; conditions iure naturali in hoc contractu requisita, sine peccato prætermitti ceteras conditions, iure tantum humano præscriptas; quales sunt omnes, præter nonam, vt dictū est. Ita docent Nauarrus in Comentario de usurâ, n. 96. Valentia q. 22. pun. 2. qui punto 6. hoc idem recte quoque afferit de Constitutione prædicta Imperiali. Ratio est; quia principalis intentio videtur fuisse, homines metu forensis iudicij ac præsumptionis, auocare ab usurâ periculis & usuraria cupiditate; non autem probas con-

scientias, & extra peccati periculum positas, o- nerare tot nouis ac per se non necessarijs legibus ac conditionibus.

Respondeatur III. Obligari nihilominus Iudi- ces per supradictas constitutiones, sicuti recepta sunt, vt nō admittant contractus censuales, absq; eiusmodi requisita conditionibus celebratos. Ita Valentia q. 22. pun. 2. & 6. Ratio est; quia hoc min- imum intendit Pontifex; id quod etiam ad eius intentionem sufficiebat, vt dictum.

Neque vero dici potest, eiusmodi leges, ut pote Ecclesiasticas & Pontificias, solum spectare vel ad forum Ecclesiasticum, vel ad proprias ditiones Ecclesia Romanae; siquidem contrarium constat ex verbis Bullæ; neq; negari potest, Pontificem in ordine ad bonum spirituale animarum, habere potestatem ferendi leges etiam de rebus tempo- ralibus, in viuenda Ecclesia, vt generatim de fide dictum, disp. 1. q. 4. dub. 7. & pluribus dicetur tomo 4. de Exempt. Clericorum.

Respondeatur IV. Eam constitutionem Pij V. quoad alias saltem conditiones, in Germania, alijsq; locis re ipsa nō videri receptam. Ita quidē de Belgio absolute pronuntiat Lessius c. 22. dub. 13. idemq; se credere ait, de Gallia & Germania. Certe quidem contractus censuales in Germania passim, nemine prohibēte, celebrati videtur, sine plerisq; eiusmodi cōditionibus; nec in celebri- dis cōtractibus mentio, aut ratio haberis olet su- pradicte constitutionis Pij V. Plura apud citatos.

D V B I V M V.

De Cambijs, eorumque iustitia & iniustitia.

Ad S. Thom. 2. 2. q. 77.

Q Væritur primo, Quid sit Cambiū. Respon- detur; Cambium quidē generatim loquendo, nihil aliud est, quam permutatio; cambiare enī permutare est; at vero in proposito significat comutationem lucrosam pecuniarū aliquo modo diversarū, videlicet aut secundum speciem, aut secundum locū; ita quidem vt vicissim trans- feratur dominium eiusdem pecunia.

Differit à mutuo; tum quia hoc proprie non est permutatio, seu vltro citroq; datio rei pro re, vel pecunia pro pecunia; tum quia mutuum ex sua natura postulat dilationem solutionis, sive vt inter alium temporis intercedat inter dationem & redditionem; quod cambio per accidentis est. Et quamvis etiam res existens permutari possit cum futura; nempe triticum præfens cum eo, quod fuerit collectū in messe, vt contra Sotum l. 6. q. 12. art. 2. recte dixit Nauarrus Man. c. 17. n. 287. contractus tamen permutationis nō est in futura- tione complectus, nisi res re ipsa sit tradita. Qui in alterius gratiam pecunia mutat, vocatur Campfor; qui mutatam accipit Campforius, sive Camparius.

Quæritur secundo, quotplex sit, seu quo mo- dis accidat cambiū. Respondeatur esse multiplex. Nam primo cambiū aliquod dicitur minū sive simplex; cum quis in eodem loco monetam cu alia diuersi generis comutat; argenteā pro aurea; magna pro parua; detritā, p noua; abrasā seu minoris ponderis, p moneta maioris pōderis, seu integra.

Secundo

Secundo aliud est Cambium *locale*, per translationem realem pecunia; cum scilicet pecunia ex loco, vbi minus valent, exportantur in alium, vbi plus valent, & sic cum lucro expenduntur; quod quidē, per se loquendo, lictum esse nemo dubitat; modo nec pretium vtrobiq; currens negligatur; nec contra Principis decretum pecunia exportentur: quamvis ex hoc capite nullū pecatū agnoscere videatur Nauarrus Manuali c. 23. n. 60. & 61. nisi expresse sub peccato p̄hiberetur. De qua re ex materia de legibus iudicandum est.

Tertio aliud est Cambium *locale*, per virtualē translationem pecunia à Campsore faciendam; quando scilicet in præsenti loco Campsor accipit à Campsuario certā pecunia suānam, vt eandē in alio loco refundat, subducto sibi conuenienti lucro. Quod vocatur etiam *cambium translationis*, siue per literas; quia scilicet Campsor literas dat Campsuario, quarum vi Campsuarius in alio loco, vbi Campsor itidem mensam, vel socios cambij habet, tantundem recipiat.

Quarto aliud est Cambiū *ratione absentie*; quando scilicet è contrario Campsor in præsenti loco dat certā pecunia suānam Campsuario, vt ab eo vicissim in alio loco tantundem recipiat, cū lucro conuenienti. Et plures modos huius generis refert Toletus l. 5. c. 54. Quæ omnia etiā vocantur *cambia realia* & proprie dicta.

Quinto vero aliud est *cambium custodiae*, impropprie dictū; quo scilicet apud Campsorem certa pecunia summa custodienda deponitur, eq; ratione custodiae conueniens lucrum tribuitur; etiamsi interim Campsor non prohibeat deposita pecunia suo commido vii.

Sexto dentq; aliud est *Cambium secum*, vel potius fictū, quo Campsor pecuniā Campsuario ita tradit, tanquā si forer recipienda in loco distanti; cū reuera tamen in eodem loco, vbi traditur, persoluenda sit: siue quia Campsor alibi mensā aut correspondē non habet; siue quia campsuarius alibi pecunia non habet: idq; facit campstor ea de causa, vt honesto p̄textu cambi, sub specie trālationis pecunie, vberi⁹ aut securius lucrū faciat. Simili ratione vocatur etiā *recambiū secū*, si rursus campstor ex illo loco fictiū recambiāt in locum priorem, vbi contractus initus, cum iterato lucro. Alios cambij fictiū modos refert Toletus cap. 52.

Atq; hæ sunt magis p̄priæ species cambij: quas autem alij species dicunt, potius sunt tituli varij, quibus tum in eodē, tum in diuersis cambijs, lucrum accipi potest, de quibus infra.

Divisio autē ordinata, earundē specierum ita facile iniri potest; vt nimirū primo cambiū aliud sit propriū, aliud impropriū: hoc rursus aut secum; aut quod diximus cambium custodiae. Secundo, p̄priū aliud est minutū seu simplex; aliud locale; hoc rursus duplex; aut per translationem realem pecunia; aut per translationem virtualē; hoc deniq; iterum duplex, nimirū aut cambiū translationis, aut cambiū ratione absentiae.

Quæritur tertio, an predicta cambia sint licita. Respondeatur, reliqua oīna, postremo excepto, per se loquendo, esse licita, si tres circūstantiæ siue cōditiones cōcurrāt: Prima, vt suppetat & spectetur

iustus aliq; titulus recipiendi lucrū ex tali cōmutatione: nisi enim in cōmutatione aliqua, specia-
lis eiusmodi titulus interueniat, non potest sum-
ma æqualis, nisi pro æquali commutari, vt patet
ex mutuo. Talem autem titulum in omni eius-
modi cambio interuenire solere, inferius pate-
bit. Secunda, vt lucrū non sit iusto maius, spe-
ciale cōmuni virorum bonorum ac prudentium
iudicio, ac probato contrahentiū vnu. Tertia, vt
fraus & dolus absint; quæ tūm alium quemlibet
contraactū, tum præsertim cambia facile inficere
ac depravare possint; vt si pecunia adulteria pro
veris obtrudantr; si pecunia non cōmuntur
secundum valorē, quē in eo loco habent; si paclā
non seruentur. &c. Atque ita ex cōmuni docent
Sylvestri V. 1. fura 4. Caietanus opusculo de Cambijs, Nauarrus Manuali c. 17. n. 288. & sequenti-
bus, Valentia q. 23. de Iust. Molina de Contracti-
bus disp. 33 8. & sequentiibus, Toletus l. 5. c. 50. &
sequentiibus, Sa V. Cambiū. Ratio patet; quia in eī
vero contractu, ex se non iniusto, licet vltra sorte
auctarium accipere, si iustus titulus suppetat.

Sed difficultas est, de specie quadam Cambijs &
recambijs, à cambio siccō nō multum ablidens; quod à nōnullis Besuntinum seu Placentinū dicitur,
eo quod ad eas vrbes frequentari soleat; & est il-
lud, quod dirigitur ad locū, vbi Campsarius, nec
vllā pecuniam, nec vllū respondentē, nec fidē
habet; sed rogit Campsorē à quo pecunia in præ-
senti accipit, vt ipse eius nomine aliquē, qui re-
spōdeat, procuret, vel vt ipse per suū factōrē, quē
alibi habet, respondeat; qui qđē postea tandem pe-
cunia per recambiū & literas remittit, vt ita fiat
solutio Cambijs & recambijs, in loco, vbi pecunia
fuit primo recepta; non sine gratiū incommodo
ipsius campstrij, qui in eodem loco, vbi pecuni-
am accepit, cogit soluere pretiū cambijs & re-
cambijs, duplicato campstrij lucro.

Et quidē tale Cambiū nō esse contra iustitiā, si
bona fide iustū pretiū, quantū fieri potest, cōsti-
tuatur, censuisse in quadā cōsultatione sex viros
doctissimos in Lusitania, & sentire Sylvestri ver-
bo 1. fura 4. q. 9. dicto. 6. & Nauarrū l. 5. consil. 1.
tit. de vſris & Man. c. 17. n. 289. & 301. & Thomā Boniſigniū c. 7. de Cambijs, n. 7. 8. & 9. re-
fert Lessus l. 2. c. 23. dub. 7. qui & ipse multa pro
eius sententiæ probabilitate disputat.

Tandē tamen in hunc modū concludit. I. Si is, qui petet à Campsore, nō sit habiturus pecunias
alibi (eo scilicet loco, ad quē dirigitur Cambiū)
actu vel potestate, seu in credito, idque Campsor
norit, contra iustitiam petcare Campsorem, si ei
ad illum locum cambiāt. Hanc ait esse commu-
nem Doctorum sententiam, speciatim Sylvestri,
Nauarri, Boniſignij locis citatis.

Ratio est; quia dare ad cambium (in præsenti)
vel est permutare pecuniam præsentem cum ab-
sente, vel est pecuniam absente emere aut trans-
ferre: atqui hic non est vlla res, quæ possit emi
vel transfigri à campsole, vel permutari, cum
pecunia præsente: ergo est emptio & permuta-
tio ficta; ac proinde lucrum inde proueniens ca-
ret iusto titulo. Sicut si quis emeret boues ab
aliquo, qui nullos habet, eosque illi certo

pretio

1179 pretio locaret, lucrum iniustum faceret; quia nulla est hic locatio, sed solum fictio locationis, vt etiam notauit Syluester loc. cit.

146 II. Si is qui petit, possit alibi habere pecuniam per amicū, vel aliū, qui nō sit in ministerio, vel societate campiorum, non peccare contra iustitiam camporum, si nolit ei dare, nisi ad cambiū in talem locum: et si fieri possit, vt peccet contra charitatem proximi.

147 III. Si is, qui petit à campore, non possit habere aliū, qui ipsi nomine satisfaciat in loco cōdicto, quam ipsū camporem, vel sociū eius, cui pecunia in loco illo est numeranda, probabile esse, contra iustitiam esse, tunc ad cambiū dare: contraria tamē sententiam non esse improbabile, & speculatiue veriorem; tamen omnino dissuadendam, nec facile permittendam.

Prior pars probatur; quia ita tenent multi Doctores, videtur enim esse mutū palliatū: intentio enim nō videtur alia, quā dare pecuniā, cum obligatione, vt in eodē loco restituatur: cetera videntur agi non serio, sed tegendi mutui causa.

148 Secunda pars probatur, quia nihil obstat, quo min⁹ campiorum duas psonas sustineat, siue per se, siue per suos famulos; & tantundem esse videtur, ac si campuarius in loco cōdicto alium haberet amicū, qui nomine ipsius reciperet debitum, & denuo recambium institueret, in locum primi contractus.

Tertia pars probatur; tum quia s̄pē est cōtra charitatē; tum quia inducit præsumptionē iuris, & de iure, vñsurarum, vt patet ex Bulla Pij V. de Cambijs: Vnde talis in foro externo posset plecti tanquam vñsurarius.

149 Ex his primū dictū mihi videtur certū, & extra controversiā; quia si vñlū est cambiū siccū, illud est, de quo in eo pronuntiato sermo est; siccū autem cambiū seu fictū, tanquam ipso iure naturali illicitum ab omnibus damnatur. Posterior etiam pars secundi & tertij dicti, sicut & prima tertij, itidem certa est, & difficultatem non habet.

150 Sed prior pars secundi dicti, & secunda pars tertij videntur habere difficultatē, & meo iudicio oppositū videtur verius. Quia iniustū & iniquū est, vialicuius contractus, ppter sua æquilitatē habentis & poscentis, velle alterū cōtrahentem obligare ad aliū contractū eidē contrahenti onerosum & incommodū, vt de mutuo seu vñsura dictū dubio 2. Ergo etiā iniquū est, vi vnius campiorum obligare ad aliud recambium, sibi adeo incommodum ac perniciōsum.

Accedit quod vñcunq; quasi secundū rationes Metaphysicas circul⁹ quidā instituatur, ne pecunia vnius speciei permutari videatur in eodē loco cum simili pecunia addito auctario, re ipsa tamē & moraliter hic aliud fieri nō videtur, quā vt eodē loco pecunia p̄sens p̄mutetur cum absente, seu in futuro soluenda, addito simul ex vi ipsius per se contractus non leui auctario; quod est vñsurarium.

Neq; Syluester loquitur in hoc casu, quando Campor cogit campariū ad tale recambium, sed quando camparius sponte ac per se ex distanti loco recambium procurat, vt hic per cambium pecuniam comparet.

Quæritur quarto, quinā sit iustitī tituli in car-
ris cambijs, percipiendi lucrum ultra sortem.

Respondet primo, esse in primis generales illi-
los quatuor titulos, ob quos etiā in mutuo, ultra
sortē auctariū accipi posse dictū est dub. 2. Et qui-
dem prætermissa donatione, & pena conventio-
nali, titulus talis est damnū emergens, & lucrum
cessans: saepe enim cum aurea moneta plus lucra-
ri potest mercator, quam cum argentea: quamvis
prohibuerit Pius V. propria Bulla de Cambijs, pa-
cificide certo intereste lucri cessantis, quod tamē
seclusa fraude, in foro conscientia non obligat,
vt cum Nauarro n. 283. docet Valentia p. 4. nec
dissentit Lessius c. 23. du. 11. eo quod talis prohibi-
tio solum fundetur in præsumptione fraudis
vñsurariae, vt in simili de censibus dictū dub. præc.

Deinde alter titulus, & quidē cōmunitissimus, qui in omni specie cambijs ex se non illicitate reperi-
tur, est onus campori impositū: quale in propo-
sito est primo obligatio, vel certe labor, pericu-
lum, & onus acquirendi, custodiendi, & expen-
dendi varia moneta genera, non sine iacturatem
temporis. Qua quidem de causa, non solum in cam-
bio, quod ratione officij dicitur, & ex officio ex-
eretur, sed etiam in alio quoquis, ex supradictis,
quamvis ex obligatione & officio non exerceatur,
lícite competens lucru accipitur, iuxta cōmuni-
rem sententiā apud citatos, quicquid in contrariū
dixerit Sotus l. 6. de Iust. q. 10. a. 2.

Ratio est; quia supposita semel cōmuni cōfirma-
tione lucri iusti, vñcuiq; cambio respondentis,
potest illud indifferenter à quolibet accipi: Sicut
etiā in mercibus patet; quarū pretiū taxatur qui-
dem ex onerib⁹ venditorū, sed ē taxa semel sup-
posita, lícite id à quolibet emptore accipitur, eri-
amī in ea merce exponenda nullum onus subie-
rit, vt suoloco dictum dub. 2.

151 Tertio accedunt etiā specialia onera, eaq; di-
uersa, pro vñi scilicet q; cambijs diuersitate, quale
est in secunda specie cambijs, onus realiter trans-
ferendi pecunia, accidente simul mutatione val-
loris monetae: in tertia, & quarta specie cambijs,
onus virtualiter transferendi monetā: idq; eo mai-
us, quo maior est loci distantia, siue cibariatur ad
locū intra prouincia, siue extra prouincia, vt contra
Sotū recte notarunt Valentia loc. cit. & Tole-
tus c. 5. 4. Praterquā quod plus valet pecunia pre-
fens, quam absens, ceteris paribus, quicquid di-
xerit Sotus ibidem.

In quinta specie, est onus custodiendi depositā
pecunia: in qua tamē specie peccat campor, si de-
stinatos ad se creditores campuarij fallaciter elu-
dat, & vel absq; solutione dimittat, vel certe pro-
pter solutionē, nouū aliquod ab eis lucellū expi-
cetur, vt cū Nauarro notauit Valentia q. 3. p. 3.
& Toletus c. 5. 4. quamvis contrarium arbitretur
Sot⁹, ppter receptā cōfuetudinē, quā nō omnino
imp̄bare videtur Lessius c. 23. du. 8. sic tamē, vt de-
bitorac depositor ipse damnū luat, nō Creditor.

Quarto in ipsa quoq; pecunia abdicatione, no-
num quandoq; onus subit campor, si videlicet
pecuniam det, quā vñdecunq; tandem maiorem
æstimationem habet, quam pecunia campuarij.
Quamvis enim pecunia, vt pretiū est, immutabilem

valorem

valorem habeat, tamen ut merx etiam quædam est, potest vna sœpe pluris astimari, quam alia, quamvis altoquin secundum rationem pretij æqualis valoris; ut quia integrioris figure, gravioris ponderis, minus rasa & detrita est; vel etiam quia rarius est, antiqua, pulchra; aut alioqui iussas ob causas ita grata campori, ut eam nollet mutare, nisi ob importunitatem campuarij.

155 Imo etiam valde probabile est, ob ipsam quoque per se monetae præstantiam, si videlicet aurea detur pro argentea, auctarium aliquod à campore accipi posse; si nimis eam vendat ut mercem, considerando varias eiusdem rei utilitates, verbi gratia, ad inaurandum, vel ad medicamenta, aut facilorem transportationem &c. quas argentea moneta non habet; esto campor monetam auream ad istos usus non adhibuisset, ut pluribus docent Sotus quæst. 9. art. vniuersaliter. Syluester v. *Natura* 4. quæst. 3. Caietanus opuscule de Cambijs cap. 6. Nauarrus num. 258. Couarruias de collatione veter. numis. Carbo quæst. 59. de Restitut. Sa V. *Cambium*, Toletus lib. 5. cap 51. & Lessius cap. 23. dub. 2. quamvis non improbabiliter negent Mediæ quæst. 2. de Cambijs, & Valentia quæstione 23. punct. 2.

Quæritur quintò, qua ratione censendum, vel taxandum sit iustum cambij lucrum.

Respondeatur, lucrum iustum esse, quod vel lege, vel recepta consuetudine, à bonis non improbata, vel prudenti iudicio taxatum est. Considerandi autem sunt in ea re, supradicti tituli, præfertim autem in tertia, quarta, & quinta specie, distantia locorum; itemque copia velinopia pecuniarum; paucitas vel multitudo camporum & campariorum. Hinc enim fit, ut longe plus petatur pro cambio, ex Germania in Hispaniam, quam ex Hispania in Germaniam; eo quod hic minor sit copia camporum & pecuniarum, quam in Hispania.

Labor vero camporum non ex desfatigatione corporis, sicut aliorum mercenariorum, sed ex dignitate quoque & gradu, quem in Republica campores habent, astimandus est, ut recte notuit Valentia cit. quæst. 23. punct. 5.

D V B I V M VI.

De Locatione, Conductione, Emphyteusi, & Feudo.

Ad s. Thom. 22. q. 77.

157 **Q**varitur primo: Quid sit locatio & conductione; que ratione speciales quædam diffultates circa eā occurrentes sint explicandæ: nimirus 1. Si conductor impediatur ab usu rei, absque sua culpa, teneaturne solvere pensionem. 2. an locator rei fructi seræ teneatur remittere de pensione condicæ, si sterilitas sine culpa conductoris obvenerit. 3. Utrum is, qui eadem opera pluribus fertur, possitab illud plura stipendia integra accipere. 4. An, & quatione operarij & fani possint vti compensatione, ob paruitatem stipendiij. 5. Quibus ex causis liceat conductorem expellere.

Respondeatur sequentibus pronunciatis. I. Lo-

catione & conductione est unus & idem contractus, quo persona, vel res aliqua alteri ad usum pro pretio conceditur, & ab eodem accipitur: ex parte enim concedentis, est locatio; ex parte accipientis, est conductione. Quem contractum, si debita seruetur æqualitas, per se licitum esse constat.

II. Si impedimentum superueniat ex parte rei conductæ, quod usum eius impedit, sine culpa conductoris, pro eo tempore, non tenetur ad pensionem: secus si impedimentum se teneat ex parte conductoris, vel ab illo originem trahat. Ita Syluester v. *Locatio*. Nauarrus Manuali cap. 17. num. 187. & 197. Couarruias lib. 4. Variar. cap. 13. num. 8. & questionum practicarum quæst. 30. num. 3. Lessius cap. 24. dub. 2. Et colligitur ex lege *Habitationes*, & l. *Qui operas*, & l. *Servio*, ff. locati. Ratio sumit ex æquitate rei. Si tamen ea res alioqui alteri locanda non fuisset, eadem æquitatis ratio dictare videtur, ut non tota merces solvatur, ut post Syluestrum V. *Locatio* quæst. 12. notauit Lessius ibidem.

III. Si ob sterilitatem, aut calamitatem, citra culpm conductoris, anno aliquo nihil ex re conducta percipiat, tota pensio remittenda est: alias si sterilitas sit magna, secundum proportionem illati damni, pro rata: nisi alter sit conuentum, aut nisi præcedentium vel subsequentium annorum fertilitas compenset præsentem sterilitatem. Ita communis Doctorum iuxta l. *Ex conductione*, & l. *si merces ff. locati, & cap. Propter sterilitatem, de locato & conducto*.

Et intelligitur hoc pronuntiatum, vbi certa & stabilis pensio conductori imposta est; secus quando pensio consistit in parte aliqua fructuum, puta dimidia, vel tertia, ut ex communi docet Nauarrus cap. 17. num. 290. iuxta l. *si merces ff. locati*.

Idemque extendit Lessius cap. 24. dub. 3. si fruges in horreo conditæ, fulmine, vel hostis supervenient pereant; quod videtur pium; sed nescio an usum receptum.

Confetur autem ex veriori & communiori sententia, sterilitas magna, quando detracto semine, & expensarum estimatione, non superest, quod sufficiat saltem dimidiæ pensionis solutioni; et si ea res alioqui à varijs variè explicetur, ut videtur est apud Syluestrum V. *Emphyt. q. 1.*

Quod si anni sequentes compensent præteritam sterilitatem, tunc si quid remissum est annis præcedentib; potest inde repeti: sicut etiam augeri potest pensio, si aliquo anno extraordinaria si ubertas, proueniens ex casu fortuito, non ex sola coloni industria, ut post Gomezium & Syluestrum, ex communi docet Lessius ibidem, iuxta l. *Ex conductione* & l. *semences, ff. locati & cit. cap. Propter sterilitatem*.

IV. Putat quidem Lessius lib. 2. cap. 24. dub. 5. quando quis pluribus obligat operam suam singulis in solidum, & illa aquæ commoda est singulis, ac si pro illis solis fuisset exhibita, posse à singulis tantum exigere, quantum ab uno posset, si pro eo solo præstitis; ac proinde commissarium causarum, cui pro unius causa expeditione, dum foras proficitur, permisum est in singulos dies accipere duos aureos ab eo, cuius negotia gerit; posse accipere quatuor aureos, si agat negotia duorum; sex si triū.